

唐
诗
宋
词
全
集

华艺出版社

唐詩宋詞全集

4B-7

目 录

卷一八五至一九三

韩 愈 (641)

卷一九四

贾 棱 (676)

刘遵古 (676)

李正封 (676)

崔立之 (676)

许 稷 (676)

范传正 (676)

豆卢荣 (676)

陈九流 (676)

夏方庆 (676)

卷一九五

陈 羽 (676)

卷一九六至一九八

柳宗元 (680)

卷一九九至二〇六

刘禹锡 (691)

卷二〇七

张弘靖 (729)

韩 察 (729)

崔 恭 (729)

陆 洸 (729)

胡 证 (729)

张文规 (730)

卷二〇八

庾承宣 (730)

郑 浣 (730)

张 汇 (730)

陈师穆 (731)

李季何 (731)

李 程 (731)

高 弁 (731)

席 夔 (731)

李行敏 (732)

陈 讽 (732)

卷二〇九至二一六

孟 郊 (732)

卷二一七至二二一

张 籍 (757)

卷二二二至二二六

李 贺 (782)

卷二二七至二五三

元 稹 (797)

卷二五四至二八九

白居易 (856)

卷二九〇

胡 杲 (993)

吉 皎 (993)

刘 真 (993)

郑 据 (993)

张 彤 (993)

周元范 (993)

繁知一 (993)

严休复 (994)

卢 拱 (994)

李 谅 (994)

刘 猛 (994)

万彤云 (994)

卢 贞 (994)

卷二九一

王 起 (995)

王损之 (995)

王 炎 (995)

封孟绅 (996)

邵楚长 (996)

郑 俞 (996)

胡直钧 (996)

俞 简 (996)

杨嗣复 (996)

卷二九二

牟 融 (997)

卷二九三

刘言史 (999)

卷二九四

长孙佐辅 (1002)

张 碧 (1003)

张 瀛 (1004)

卷二九五

雍裕之 (1004)

卷二九六

段弘古 (1005)

何元上 (1005)

张 俨 (1005)

先 汪 (1005)

李 赤 (1006)

薛 昇 (1006)

孙叔向 (1006)

刘 皂 (1006)

杨 厚 (1007)

裴交泰 (1007)

李 秘 (1007)

殷尧恭 (1007)

林 杰 (1007)

浩虚舟 (1007)

蔡 京 (1007)

张 顶 (1007)

卷二九七

李逢吉 (1008)

于 颢 (1008)

卢景亮 (1009)

李 渤 (1009)

王仲舒 (1009)

孙 革 (1009)

汪万於 (1010)

何儒亮 (1010)

李宗闵 (1010)

韦表微 (1010)

卷二九八

熊孺登 (1010)

卷二九九

柳公权 (1011)

吴武陵 (1012)

韦处厚 (1012)

张又新 (1012)

封 敖 (1013)

马 植 (1013)

李 廓 (1013)

卷三〇〇

崔公信 (1014)

杨虞卿 (1014)

杨汝士 (1015)

陈 至 (1015)

赵 蕃 (1015)

卷三〇一

鲍 溶 (1016)

卷三〇二

卢 钧 (1019)

范传质 (1019)

贾 谟 (1019)

陈彦博 (1019)

唐 扶 (1019)

王 质 (1020)

高 铢 (1020)

卷三〇三

舒元與 (1020)

卷三〇四

卢宗回 (1021)

廖有方 (1021)

皇甫曙 (1021)

潘存实 (1022)

陈去疾 (1022)

卷三〇五

张萧远 (1023)

李 播 (1023)

王季则 (1023)

纪元皋 (1023)

王 初 (1023)

刘 轲 (1024)

滕 迈 (1024)

滕 倪 (1024)

卷三〇六

郑 巢 (1025)

卷三〇七

吕 群 (1026)

崔 涯 (1026)

崔 郊 (1027)

刘鲁风 (1027)

柳 泌 (1027)

何希尧 (1027)

朱冲和 (1027)

张光朝 (1027)

- 梁 铉····· (1028)
- 卷三〇八
- 章孝标····· (1029)
- 卷三〇九
- 蒋 防····· (1032)
- 李 虞····· (1032)
- 裴 祗····· (1033)
- 崔 郾····· (1033)
- 卷三百一〇
- 孔温业····· (1034)
- 赵存约····· (1034)
- 窦洵直····· (1034)
- 陈 标····· (1034)
- 袁不约····· (1035)
- 李 馥····· (1035)
- 白敏中····· (1035)
- 常楚老····· (1035)
- 李 甘····· (1036)
- 平 曾····· (1036)
- 景 审····· (1036)
- 卷三一一至三一二
- 张 枯····· (1036)
- 卷三一三
- 王彦威····· (1052)
- 庾敬休····· (1052)
- 许 孜····· (1053)
- 厉 玄····· (1053)
- 魏 扶····· (1053)
- 柴 夔····· (1053)
- 房千里····· (1053)
- 刘郇伯····· (1053)
- 李章武····· (1054)
- 萧 仿····· (1054)
- 柳 棠····· (1054)
- 钟 谔····· (1054)
- 卷三一四至三二一
- 杜 牧····· (1054)
- 卷三二二至三二五
- 许 浑····· (1085)
- 卷三二六至三二八
- 李商隐····· (1094)
- 卷三二九
- 纪唐夫····· (1120)
- 裴思谦····· (1120)
- 李 衢····· (1120)
- 李损之····· (1120)
- 李 景····· (1120)
- 张元宗····· (1120)
- 李 肱····· (1121)
- 郑 史····· (1121)
- 许 洸····· (1121)
- 牛 丛····· (1121)
- 潘 咸····· (1121)
- 薛 莹····· (1122)
- 崔元略····· (1122)
- 冯 涯····· (1122)
- 卷三三〇
- 刘得仁····· (1123)
- 卷三三一
- 权 审····· (1127)
- 邢 群····· (1127)
- 曹 汾····· (1127)
- 严 恽····· (1127)
- 殷潜之····· (1127)
- 祝元膺····· (1127)
- 彭 蟾····· (1128)
- 王 枢····· (1128)
- 刘庄物····· (1128)
- 卷三三二
- 薛 逢····· (1128)
- 卷三三三
- 卢 肇····· (1133)
- 卷三三四
- 丁 棱····· (1135)
- 高退之····· (1135)
- 孟 球····· (1135)
- 刘 耕····· (1135)
- 裴 翻····· (1135)
- 樊 骧····· (1135)
- 崔 轩····· (1136)
- 蒯希逸····· (1136)
- 林 滋····· (1136)
- 李宣古····· (1136)
- 黄 颇····· (1137)
- 张道符····· (1137)
- 丘上卿····· (1137)
- 唐思言····· (1137)
- 戈 牢····· (1137)
- 金厚载····· (1137)
- 王甚夷····· (1138)

卷三三五

易 重	(1138)
孟 迟	(1138)
王 铎	(1139)
郑 畋	(1139)
谭 铎	(1140)
卢嗣立	(1140)
朱可名	(1140)
张良器	(1140)

卷三三六

薛 能	(1141)
-----	--------

卷三三七

刘 威	(1144)
李 玖	(1145)
潘 唐	(1146)

卷三三八

裴 休	(1146)
令狐赉	(1146)
夏侯孜	(1146)
魏 谟	(1146)
周 墀	(1146)
李景让	(1147)
刘绮庄	(1147)
张 固	(1147)
李 质	(1147)
南 卓	(1147)
李 讷	(1147)
崔示范	(1147)
杨知至	(1147)
李明远	(1148)
萧 缜	(1148)
卢 澹	(1148)
赵 牧	(1148)
裴 诚	(1148)

卷三三九

于兴宗	(1149)
李 朋	(1149)
杨 牢	(1149)
李 续	(1149)
田 章	(1149)
薛 蒙	(1150)
李 邺	(1150)
于 瑰	(1150)
王 严	(1150)
李 渥	(1150)

刘 璐	(1150)
李体仁	(1150)

卷三四〇

韩 琮	(1151)
-----	--------

卷三四一

王 传	(1152)
卢 邺	(1152)
陆 肱	(1152)
崔 澹	(1152)
莫宣卿	(1153)
李 节	(1153)
韦 蟾	(1153)
郭 夔	(1154)
柳 迪	(1154)

卷三四二至三四三

李群玉	(1154)
-----	--------

卷三四四至三四七

贾 岛	(1163)
-----	--------

卷三四八至三五五

温庭筠	(1185)
-----	--------

卷三五六至三五八

李 频	(1206)
-----	--------

卷三五九

崔 珏	(1217)
-----	--------

卷三六〇

储嗣宗	(1219)
-----	--------

卷三六一

于武陵	(1221)
-----	--------

卷三六二

司马扎	(1224)
-----	--------

卷三六三

徐 商	(1226)
高 璩	(1226)
高 湘	(1227)
崔安潜	(1227)
裴 铤	(1227)
刘 损	(1227)
霍 总	(1227)
陈 钰	(1227)
裴虔馥	(1228)
李 嵘	(1228)
张 丛	(1228)
郑 紫	(1228)
温庭皓	(1228)

卷三六四

牛 微.....	(1229)
伊 儼.....	(1229)
萧 邁.....	(1229)
韦承贻.....	(1229)
孙 纬.....	(1229)
欧阳玘.....	(1229)
翁 綬.....	(1230)
武 采.....	(1230)
袁 皓.....	(1230)
公乘亿.....	(1231)
王季文.....	(1231)

卢 骈.....	(1231)
李 拯.....	(1231)
司马都.....	(1232)

卷三六五至三六六

许 棠.....	(1232)
----------	--------

卷三六七

林 宽.....	(1240)
----------	--------

卷三六八至三七四

皮日休.....	(1242)
----------	--------

卷三七五至三八六

陆龟蒙.....	(1266)
----------	--------

第 二 部

唐诗卷之一百八十五

韩 愈

韩愈，字退之，南阳人。少孤，刻苦为学，尽通六经百家。贞元八年，擢进士第，才高，又好直言，累被黜贬。初为监察御史，上疏极论时事，贬阳山令。元和中，再为博士，改比部郎中、史馆修撰，转考功、知制诰，进中书舍人，又改庶子。裴度讨淮西，请为行军司马，以功迁刑部侍郎。谏迎佛骨，谪刺史潮州，移袁州。穆宗即位，召拜国子祭酒、兵部侍郎。使王廷凑归，转吏部，为时宰所构，罢为兵部侍郎，寻复吏部。卒，赠礼部尚书，谥曰文。愈自比孟轲，辟佛老异端，笃旧恤孤，好诱进后学，以之成名者甚众。文自魏晋来，拘偶对体日衰，至愈，一返之古。而为诗豪放，不避粗险，格之变亦自愈始焉。集四十卷，内诗十卷；外集遗文十卷，内诗十八篇。今合编为十卷。

☆元和圣德诗并序 初宪宗即位，剑南刘辟自称留后以叛。元和元年正月，以高崇文为左神策行营节度使讨辟。九月，克成都。十月，辟伏诛。二年正月己丑，朝献于太清宫。庚寅，朝享于太庙。辛卯，祀昊天上帝于郊丘。还宫，大赦天下。臣愈顿首再拜言：臣伏见皇帝陛下即位以来，诛流奸臣，朝廷清明，无有欺蔽。外斩杨惠琳、刘辟，以收夏蜀；东定青齐积年之叛，海内怖骇，不敢违越。郊天告庙，神灵欢喜，风雨晦明，无不从顺，太平之期，适当今。臣蒙被恩泽，日与群臣序立紫宸殿陛下，亲望穆穆之光，而其职业，又在以经籍教导国子，诚宜率先作歌诗以称道盛德，不可以辞语浅薄不足以自效为解，辄依古作四言元和圣德诗一篇，凡千有二十四字。指事实录，具载明天子文武神圣，以警动百姓耳目，传示无极。其诗曰：皇帝即阼，物无违拒，曰旻而旻，曰雨而雨。维是元年，有盗在夏。欲覆其州，以踵近一作其武。先是年德宗建中间，李希烈、朱泚等反，至是杨惠琳、刘辟继踵而起，此叙惠琳据夏州，出师征讨有功，以为平刘辟发端。皇帝曰嘻，

岂不在我。负鄙为艰，纵则不可。出师征之，其众十一作千旅。时严绶在河东，表请讨惠琳，诏与天德军合击之。军其城下，告以福祸。腹败枝披，不敢保聚。掷首阵外，降幡夜竖。疆外之险，莫过蜀土。韦皋去镇，刘辟守后。血人于牙，不肯吐口。开库啗宋刺作啖士，曰随所取。汝张汝弓，汝鼓汝鼓。汝为表书，求我师汝。事始上闻，在列咸怒。皇帝曰然，嗟远士女。苟附而安，则且付与。读命于庭，出节少府。朝发京师，夕至其部。辟喜谓党，汝振而伍。蜀可全有，此不当受。万牛齑炙一作肉，万瓮行酒。以锦缠股，以红帕首。有愆其凶，其饵其诱。其出穰穰，队以万数。遂劫东川，遂据城阻。皇帝曰嗟，其又可许。爰命崇文，分卒禁御。有安其驱，无暴我野。日行三十，徐壁其右。辟聚聚谋，鹿头是守。崇文奉诏，进退规矩。战不贪杀，擒不滥数。四方节度，整兵顿马。上章请讨，俟命起坐。皇帝曰嘻，无汝烦苦。荆并洎梁，荆谓荆南节度使裴均，并谓河东节度使严绶，梁谓山南西道节度使严砺。在国门户。出师三千，各选尔丑。四军齐作，殷其如阜。或拔其角，或脱其距。长驱洋洋，无有齟齬。八月壬午，辟弃城走。载妻与妾，包裹稚乳。是日崇文，入处其宇。分散逐捕，搜原剔藪。辟穷见窘，无地自处。俯视大江，不见洲渚。遂自颠倒，若杵投臼。取之江中，枷脰械手。妇女累累，啼哭拜叩。来献阙下，以告庙社。周示城市，咸使观睹。解脱挛索，夹以砧斧。婉婉弱子，赤立伛偻。牵头曳足，先断腰膂。次及其徒，体骸撑拄。未乃取辟，骸汗如写。挥刀纷纭，争刳音忖，细切也脰脯。忧赏将吏，扶珪缀组。帛堆其家，粟塞其庾。哀怜阵没，廪给孤寡。赠官封墓，周匝宏溥。经战伐地，宽免租簿。施令酬功，急疾如火。天地中间，莫不顺序。幽恒青魏，东尽海浦。南至徐蔡，区外杂虏。怛威赧德，踟蹰蹈舞。掉弃兵革，私习簞箠。来请来觐，十百其耦一作数。皇帝曰吁，伯父叔舅。各安尔位，训厥氓亩。正月元日，初见宗祖。躬执百礼，登降拜俯。荐于新宫，视瞻梁栱音吕，榻也。感见容色，泪落入俎。侍祠之臣，助我惻楚。乃以上辛，于郊用牡。除于国南，鳞荀毛虞。庐幕周施，开揭磊砢。兽盾腾挐，圆坛帖妥。天

兵四罗，旂常婀娜。驾龙十二，鱼鱼雅雅。宵升于丘。奠璧献鬯。众乐惊作，轰厖融洽。紫焰嘘呵，高灵下堕。群星从坐，错落侈哆丁可切，又昌者切。日君月妃，焕赫嫋嫋，乌果切。嫋，五果切，身弱好也，谓月妃。渎鬼濛濛，岳祗岷峨。沃沃膾芻，产祥降嘏。凤皇应奏，舒翼自拊。赤麟黄龙，逶陀结纠。卿士庶人，黄童白叟。踊跃欢呀，失喜噎欧。乾清坤夷，境落褰举。帝车回来，日正当午。幸丹凤门，大赦天下。涤濯划秽初两切，又此两切瓦石洗物，磨灭瑕垢。续功臣嗣，拔贤任考。孩养无告。仁施旉厚。皇帝神圣，通达今古，听聪视明，一似尧禹。生知法式，动得理所。天锡皇帝，为天下主。并包畜养，无异细钜。亿载万年，敢有违者，皇帝俭勤，盟濯陶瓦。斥遣浮华，好此缁纆。敕戒四方，侈则有咎。天锡皇帝，多麦与黍。无召水旱，耗于一作无耗雀鼠。亿载万年，有富无窶。皇帝正直，别白善否。擅命而狂，既翦既去。尽逐群奸，靡有遗侣。天锡皇帝，厯臣硕辅。博问遐观，以置左右。亿载万年，无敢余侮。皇帝大孝，慈祥悌友。怡怡愉愉，奉太皇后。浹于族亲，濡及九有。天锡皇帝，与天齐寿。登兹太平，无怠永久。亿载万年，为父为母。博士臣愈，职是训诂。作为歌诗，以配吉甫。

琴操十首

将归操 孔子之赵，闻杀鸣犊作。赵杀鸣犊，孔子临河，叹而作歌曰：秋之水兮风扬波，舟楫颠倒更相加，归来归来胡为斯。秋之水兮，其色幽幽；我将济兮，不得其由。涉其浅兮，石啮物足；乘其深兮，龙入我舟。我济而悔兮，将安归尤。归兮归兮，无与石斗兮，无应龙求。

☆猗兰操 孔子伤不逢时作。古琴操云：习习谷风，以阴以雨。之子于归，还送于野。何彼苍天，不得其所。逍遥九州，无有定处。世人暗蔽，不知贤者。年纪逝迈，一身将老。兰之猗猗，扬扬其香。不采而佩，于兰何伤。今天之旋，其曷为然。我行四方，以日以年。雪霜贸贸，荠麦之茂。子如不伤。我不尔觐。荠麦之茂，荠麦之有。君子之伤，君子之守。

☆龟山操 孔子以季桓子受齐女乐，谏不从，望龟山而作。龟山在大山博县。古琴操云：予欲望鲁兮，龟山蔽之。手无斧柯，奈龟山何。龟之氛一作气兮，不能云一作为雨。龟之精牙葛切，亦作藟兮，不中梁柱。龟之大兮，祇以奄鲁。知将陨兮，哀莫余伍。周公有鬼一作思兮，嗟余归辅。

☆越裳操 周公作。古琴操云：於戏嗟嗟，非旦之力，乃文王之德。雨之施物以孳，我何意于彼为。自周之先，其艰其勤。以有疆宇，私我后人。我祖在上，四方在下。厥临孔威，敢戏以侮。孰荒于门，孰治于田。四海既均，越裳是臣。

☆拘幽操 文王羑里作。古琴操云：殷道濇濇，浸浊烦兮。朱紫相合，不别分兮。违乱声色，信谗言兮。炎炎之虐，使我愆兮。幽闭牢阱，由其言兮。违我四人，忧勤勤兮。目窈窕一作掩掩兮，其凝其盲；耳肃肃兮，听不闻声。朝不一有见字日出兮，夜不见月与星。有知无知兮，为死为生。呜呼，臣罪当诛兮，天王圣明。

☆岐山操 周公为太王作。本词云：狄戎侵兮土地迁移。邦邑适于岐山。燕民不忧兮，谁者知。嗟嗟奈何兮，予命遭斯。我家于豳，自我先公。伊我承序，敢有不同。今狄之人，将土我疆。民为我战，谁使死伤。彼岐有岵，我往独处。尔一作人英余追，无思我悲。

☆履霜操 尹吉甫子伯奇无罪，为后母谗而见逐。自伤作。本词云：朝履霜兮采晨寒，考不明其心兮信谗言。孤思别离兮摧肺肝，何辜皇天兮遭斯愆。痛歿不同兮思有偏，谁能流顾兮知我冤。父兮儿寒，母兮儿饥。儿罪当笞，逐儿何为。儿在中野，以宿以处。四无人声，谁与儿语。儿寒何衣，儿饥何食。儿行于野，履霜以足。母生众儿，有母怜之。独无母怜，儿宁不悲。

☆雉朝飞操 牧犊（一作沐渚）子七十无妻，见雉双飞，感之而作。本词云：雉朝飞兮鸣相和，雌雄群游兮山之阿。我独何命兮未有家，时将暮兮可奈何，嗟嗟暮兮可奈何。雉之飞，于朝日。群雌孤雄，意气横出。当东而西，当啄而飞。随飞随啄，群雌粥粥。嗟我虽人，曾不如彼雉鸡。生身七十年，无一妾与妃。一本无鸡字，下语妃音婉，与雉叶。

☆别鹄操 商陵穆子，娶妻五年无子。父母欲其改娶，其妻闻之，中夜悲啸，穆子感之而作。本词云：将乖比翼隔天端，山川悠远路漫漫，揽衾不寐食忘餐。雄鹄乐府诗集作雄鹤，以下鹤俱作鹤衔枝来，雌鹤啄泥归。巢成不生子，大义当乖离。江汉水之大，鹤身鸟之微。更无相逢日，且可绕树相随飞。乐府作更无相逢日，安可相随飞。

☆残形操 曾子梦见一狸不见其首作 有兽维狸

兮，我梦得之。其身孔明兮，而头不知。吉凶何为兮，觉坐而思。巫咸上天兮，识者其谁。

☆南山诗 吾闻京城南，兹惟群山固。东西两际海，巨细难悉究。山经及地志，茫昧非受授。团辞试提挈，挂一念万漏。欲休谅不能，粗叙所经观。尝升崇丘望，戢戢见相凑。晴明出棱角，缕脉碎分绣。蒸岚相鸿胡，孔切洞，表里忽通透。无风自飘簸，融液煦柔茂。横云时平凝，点点露数岫。天空浮修眉，浓绿画新就。孤撑有巉绝，海浴褰鹏啣音昼。以上叙南山大概。春阳潜沮洳，濯濯吐深秀。岩峦虽崔嵬，软弱类含酎音宙。夏炎百木盛，荫郁增埋覆。神灵日歆音朽歆。云气争结构。秋霜喜刻轹，磔卓立癯瘦。参差相叠重，刚耿陵一作凌宇宙。冬行虽幽墨，冰雪工琢镂。新曦照危峨，亿丈恒高袤。明昏无停态，顷刻异状候。已上叙四时变态。西南雄太白，突起莫间簠。藩都配德运，分宅占丁戊音茂。逍遥越坤位，诋斥陷乾窞。空虚寒兢兢，风气较搜漱。朱维方烧日，阴霰纵腾糅。昆明大池北，去觌偶晴昼。绵联穷俯视，倒侧困清沍。微澜动水面，踊跃躁猱狃。惊呼叱破碎，仰喜呀不仆。已上言南方隅连亘之所。前寻径杜墅，岔蔽毕原陋。崎岖上轩昂，始得观览富。行行将遂穷，岭陆烦互走。勃然思坼裂，拥掩难恕宥。巨灵与夸蛾，远贾期必售。还疑造物意，固护蓄精祐。力虽能排斡，雷电怯呵诟。攀缘脱手足，蹭蹬抵积甃。茫如试矫首，堦塞生恂音寇愁音茂威。容丧萧爽，近新迷远旧。拘官计日月，欲进不可又。因缘窥其湫，南山有炭谷，凝湛閟阴兽。音嗅，或作兽。礼运，龙以为兽，谓湫中蛟也。鱼虾可俯掇，神物安敢寇。林柯有脱叶，欲堕鸟惊救。其湫叶落，恐污水，鸟即衔去，盖其神物之灵如此。争衔弯环飞，投奔急喧嗽。旋归道回睨，达枿壮复奏。吁嗟信奇怪，峙质能化贸。前年遭谴谪，探历得邂逅。初从蓝田入，顾盼劳颈脰。时天晦大雪，泪目苦矐音音茂。峻涂拖长冰，直上若悬溜。褰衣步推马，颠蹶退且复。苍黄忘遐睎，所瞩才左右。杉篁咤蒲苏，杲耀攒介冑。专心忆平道，脱险逾避臭。昨来逢清霁，宿愿忻始副。峥嵘跻冢顶，倏闪杂鼯鼯。前低划开阔，烂漫堆众皱。言豁然见前山之低，虽有高陵深谷，但如皱物，微有蹇折之文耳。或连若相从，或蹉若相斗。或妥若弭伏，或竦若惊雉。或散若瓦解，或赴若辐凑。或翩若船游，或决若马骤。或背若相恶，或向若相佑。或乱若抽笋，或峭若注一作炷灸。或错若绘画，或缭若篆籀。或罗若星离，或藉若云逗。或浮若波涛，或碎若锄耨。或如贲育伦秦勇士，赌胜勇前购。先强势已出，后钝嗔逗音斗濡音耨，不能言也。或如帝王尊，丛集朝贱幼。虽亲不褻狎，虽远不悖谬。或如临食案，肴

核纷钉短。又如游九原，坟墓包榔柩。或累若盆罌，或揭若甑同釜豆一作桓。或覆若曝鳖，或颓若寝兽。或蜿若藏龙，或翼若搏鹭。或齐若友朋，或随若先后。或迸若流落，或顾若宿留。或戾若仇雠，或密若婚媾。或俨若峨冠，或翻若舞袖。或屹若战阵，或围若搜狩。或靡然东注，或偃然北首。或如火燎焰，或若气馈音分馏音溜，蒸饭也。或行而不辍，或遗而不收。或斜而不倚，或弛而不轂。或赤若秃鬣丘闲切，或燠若柴樵。或如龟拆兆，或若卦分繇。或前横若剥，或后断若姤。延延离又属，央央叛还遘。喁喁鱼闯萍，落落月经宿。闾闾树墙垣，岷岷驾库厩。参参削剑戟，焕焕莹瑩琬。敷敷花披萼，闾闾树摧雷。悠悠舒而安，兀兀狂以狃。超超出犹奔，蠢蠢骇不懋。大哉立天地，经纪肖营腠。厥初孰开张，俛俛谁劝侑。创兹朴而巧，戮力忍劳疚。得非施斧斤，无乃假沮咒。鸿荒竟无传，功大莫酬侔。尝闻于祠官，芬苾降歆嗅。宋刻作鯪。裴然作歌诗，惟用赞酢酬。

☆谢自然诗 果州谢真人上升在金泉山，贞元十年十一月十二日白昼轻举，郡守李坚以闻，有诏褒谕。果州南充县，寒女谢自然。童孺无所识，但闻有神仙。轻生学其术，乃在金泉山。繁华荣慕绝，父母慈爱捐。凝心感魑魅，恍惚难具言。一朝坐空室，云雾生其间。如聆笙竽韵，来自冥冥天。白日变幽晦，萧萧风景寒。檐楹暂一作气明灭，五色光属联。观者徒倾骇，踟蹰讵敢前。须臾自轻举，飘若风中烟。茫茫入纁大，影响无由缘。里胥上其事，郡守惊且叹。驱车领官吏，氓俗争相先。入门无所见，冠履同蛻蝉。皆云神仙事，灼灼信可传。余闻古夏后，象物知神奸。山林民可入，魍魉莫逢旃。逶迤不复振，后世恣欺谩。幽明纷杂乱，人鬼更相残。秦皇虽笃好，汉武洪其源。自从二主来，此祸竟连连。木石生怪变，狐狸骋妖患。莫能尽性命，安得更长延。人生处万类，知识最为贤。奈何不自信，反欲从物迁。往者不可悔，孤魂抱深冤。来者犹可诫，余言岂空文。人生有常理，男女各有伦。寒衣及饥食，在纺绩耕耘。下以保子孙，上以奉君亲。苟异于此道，皆为弃其身。噫乎彼寒女，永托异物群。感伤遂成诗，昧者宜书绅。

☆秋怀诗十一首 窗前两好树，众叶光萋萋音拟。秋风一拂披，策策鸣不已。微灯照空床，夜半偏入耳。愁忧无端来，感叹成坐起。天明视颜色，与故不相似。羲和驱日月，疾急不可恃。浮生虽多涂，趋死惟一轨。胡为浪自苦，得酒且欢喜。

白露下百草，萧萧共雕悴。青青四墙下，已复生满地。寒蛩暂寂寞，蟋蟀鸣自恣。运行无穷期，泉受苦苦异。

适时各得所，松柏不必贵。

彼时何卒卒，我志何曼曼。犀首空好饮，廉颇尚能饭。学堂日无事，驱马适所愿。茫茫出门路，欲去聊自劝。一作叹。归还阅书史，文字浩千万。陈迹竟谁寻，贱嗜非贵献。丈夫意有在一作存，女子乃多怨。

秋气日恻恻，秋空日凌凌。上无枝上蜩，下无盘中蝇。岂不感时节，耳目去所憎。清晓卷书坐，南山见高棱。其下澄湫水，有蛟寒可罾。惜哉不得往，岂谓吾无能。

离离挂空悲，戚戚抱虚警。露泫秋树高，虫吊寒夜永。敛退就新儒，趋营悼前猛。归愚识夷涂，汲古得修绠。名浮犹有耻，味薄真自幸。庶几遗悔尤，即此是幽屏。

今晨不成起，端坐尽日景。虫鸣室幽幽，月吐窗罔罔。丧怀若迷方，浮念剧含梗。尘埃倘伺候，文字浪驰骋。尚须勉其顽，王事有朝请。

秋夜不可晨，秋日苦易暗。我无汲汲志，何以有此憾。寒鸡空在栖，缺月烦屡瞰。有琴具徽弦，再鼓听愈淡。古声久埋灭，无由见真滥。低心逐时趋，若勉只能暂。有如乘风船，一纵不可缆。不如觊文字，丹铅事点勘。岂必求羸馀。所要石与甌都溢切。

卷卷落地叶，随风走前轩。鸣声若有意，颠倒相追奔。空堂黄昏暮，我坐默不言。童子自外至，吹灯当我前。问我我不应，馈我我不餐。退坐西壁下，读诗尽数编。作者非今士，相去时已千。其言有感触，使我复凄酸。顾谓汝童子，置书且安眠。丈夫属有念，事业无穷年。

霜风侵梧桐，众叶著树乾。空阶一片下，璫若摧琅玕。谓是夜气灭，望舒贯其团。青冥无依倚，飞辙危难安。惊起出户视，倚槛久汨澜。忧愁费晷景，日月如跳丸。迷复不计远，为君驻尘鞍。

暮暗来客去，群嚣各收声。悠悠偃宵寂，蠢蠢抱秋明。世累忽进虑，外忧遂侵诚。强怀张不满，弱念缺已盈。诘屈避语阱，冥茫触心兵。败虞千金弃，得比寸草荣。知耻足为勇，晏然谁汝令。

鲜鲜霜中菊，既晚何用好。扬扬弄芳蝶，尔生还不早。运穷两值遇，婉娈死相保。西风蛰龙蛇，众木日凋槁。由来命分尔，泯灭岂足道。

☆赴江陵途中，寄赠王二十补阙、李十一拾

遣、李二十六员外翰林三学士德宗贞元二十年移江陵法曹参军。未几以四门博士召。三学士王涯、李建、李程也。孤臣昔放逐，血泣追愆尤。汗漫不省识，恍如乘桴浮。或自疑上疏，上疏岂其由。是年京师旱，田亩少所收。上怜民无食，征赋半已休。有司恤经费，未免烦征求。富者既云急，贫者固已流。传闻闾里间，赤子弃渠沟。持男易斗粟，掉臂莫肯酬。我时出衢路，饿者何其稠。亲逢道边死，伫立久咿咿。归舍不能食，有如鱼中钩。适会除御史，诚当得言秋。拜疏移阁门，为忠宁自谋。上陈人疾苦，无令绝其喉。下陈畿甸内，根本理宜优。积雪验丰熟，幸宽待蚕麰。天子惻然感，司空叹绸缪。谓言即施設，乃反迁炎州。旧史言公自监察御史上章数千言，极论宫市，德宗怒，贬阳山令。新史亦云上疏论宫市。今诗自序其得罪之由，大抵言京师旱饥，未尝力言宫市。惟皇甫湜神道碑云：“关中旱饥，先生力言天下根本，专政者恶之，出为阳山令。”湜当时从公游者，知公之不以论宫市出，审矣。同官尽才俊，偏善柳与刘。或虑语言泄，传之落冤讎。二子不宜尔，将疑断还不。中使临门遣，顷刻不得留。病妹卧床褥，分知隔明幽。悲啼乞就别，百请不露头。弱妻抱稚子，出拜忘惭羞。俛俛不回顾，行行诣连州。朝为青云士，暮作白头一作首囚。商山季冬月，冰冻绝行轺。春风洞庭浪，出没惊孤舟。逾岭到所任，低颜奉君侯。酸寒何足道，随事生疮疣。远地触途异，吏民似猿猴。生狞多忿很，辞舌纷嘲啁。白日屋檐下，双鸣斗鸂鶒。有蛇类两首，有虫群飞游。穷冬或摇扇，盛夏或重裘。颺起最可畏，旬哮簸陵丘。雷霆助光怪，气象难比侔。疠疫忽潜潜，十家无一瘳。猜嫌动置毒，对案辄怀愁。前日遇恩赦，贞元二十一年正月乙巳，顺宗即位。二月甲子，大赦天下，愈量移江陵掾。私心喜还忧。果然又羁縻，不得归锄耰。此府雄且大，腾凌尽戈矛。栖栖法曹掾，何处事卑陋。生平企仁义，所学皆孔周。早知大理官，不列三后俦。何况亲犴吏，敲榜发奸偷。悬知失事势，恐自罹置罟。湘水清且急，凉风日修修。胡为首归路，旅泊尚夷犹。昨者京使至，嗣皇传冕旒。赫然下明诏，首罪诛共咎古兜字。复闻颠天罪谓杜黄裳、郑元庆之徒为和，峨冠进鸿畴。班行再肃穆，琅珰鸣琅璆。仁继贞观烈，边封脱兜鍪。三贤推侍从，卓犖倾枚邹。高议参造化，清文焕皇猷。协一作叶心辅齐圣，致理同毛辇。小雅咏鹿鸣一作鸣鹿，食苹贵呦呦。遗风邈不嗣，岂忆尝同游。矢志早衰换，前期拟蜉蝣。自从牙齿缺，始慕舌为柔。因疾鼻又塞，渐能等薰莸。深思罢官去，毕命依松楸。空怀焉能果，但见岁已遒。殷汤闵禽兽，解网祝嵎螯。雷焕掘宝剑，冤氛消斗牛。兹道诚可尚，谁能

借前筹。殷勤答吾友，明月非暗投。

☆**暮行河堤上** 暮行河堤上，四顾不见人。衰草际黄云，感叹愁我神。夜归孤舟卧，展转空及晨。谋计竟何就，嗟嗟世与身。

☆**夜歌** 静夜有清光，闲堂仍独息。念身幸无恨，志气方自得。乐哉何所忧，所忧非我力。

☆**重云李观疾赠之** 天行失其度，阴气来干阳。重云闭白日，炎燠成寒凉。小人但咨怨，君子惟忧伤。饮食为减少，身体岂宁康。此志诚足贵，惧非职所当。藜藿尚如此，肉食安可尝。穷冬百草死，幽桂乃芬芳。且况天地间，大运自有常。劝君善饮食，鸾凤本高翔。

☆**江汉答孟郊** 江汉虽云广，乘舟渡无艰。流沙信难行，马足常往还。凄风结冲波，狐裘能御寒。终宵处幽室，华烛光烂烂。苟能行忠信，可以居夷蛮。嗟余与

夫子，此义每所敦。何为复见赠，缱绻在不谖。

☆**长安交游者赠孟郊** 长安交游者，贫富各有徒。亲朋一作友相过一作遇时，亦各有以娱。陋室有文史，高门有笙竽。何能辨荣悴，且欲分贤愚。

☆**岐山下二首** 朱熹《考异》曰：诸本只作一首。方云自日暮边火惊以上为一篇。世有《灌畦暇语》一书，谓子齐初应举，韩公赏之，为作丹穴五色羽。子齐姓程，字昔范。尝著《中谏》三卷，见《因话录》。则下诗似当为别篇，第前诗题以岐山下，此必游凤翔日作。谁谓我有耳，不闻凤凰鸣，鹄来岐山下，日暮边鸿一作火惊。

丹穴五色羽，其名为凤皇。昔周有盛德，此鸟鸣高冈。和声随祥风，窅窅相飘扬。闻者亦何事，但知时俗康。自从公旦死，千载閟其光。吾君亦勤理，迟尔一来翔。

唐诗卷之一百八十六

韩 愈

☆**北极赠李观** 北极有羈羽，南溟有沈鳞。川源浩浩隔，影响两无因。风云一朝会，变化成一身。谁言道里远，感激疾如神。我年二十五，求友昧其人。哀歌西京市，乃与夫子亲。所尚一作向苟同趋，贤愚岂异伦。方为金石姿，万世无缁磷。无为儿女态，憔悴悲贱贫。

☆**此日足可惜，赠张籍** 愈时在徐，籍往谒之，辞去，作是诗以送。此日足可惜，此酒不足一作不可尝。舍酒去相语，共分一日光。念昔未知子，孟君自南方。自矜有所得，言子有文章。我名属相府时佐董晋幕府，欲往不得行。思之不可见，百端在中肠。维时月魄死，冬日朝在房。驱驰公事退，闻子适及城。命车载之至，引坐于中堂。开怀听其说，往往副所望。孔丘殁已远，仁义

路久荒。纷纷百家起，诡怪相披猖。长老守所闻，后生习为常。少知诚难得，纯朴古已亡。譬彼植园木，有根易为长。留之不遣去，馆置城西旁。岁时未云几，浩浩观湖江。众夫指之笑，谓我知不明。儿童畏雷电，鱼鳖惊夜光。州家举进士，选试繆所当。汴州举进士，愈为考官，试反舌无声诗，籍中等。驰辞对我策，章句何炜煌。相公朝服立，工席歌鹿鸣，礼终乐亦闋，相拜送于庭。之子去须臾，赫赫流盛名。窃喜复窃叹，谅知有所成。人事安可恒，奄忽令我伤。闻子高第日，正从相公丧。贞元十五年，高郢知举，籍登第。是岁三月，晋卒，愈护其丧行。哀情逢吉语，惆怅难为双。暮宿偃师西，徒展转在床。诸本作展转在空床。夜闻汴州乱，绕壁行彷徨。我时留妻子，仓卒不及将。相见不复期，零落甘所丁。骄儿未绝乳，念之不能忘。忽如在我所，耳若闻啼声。中途安得返，一日不可更。俄有东来说，我家免罹殃。乘船下汴水，东去趋彭城。从丧朝至洛，还走不

及停。假道经盟津，出入行洹冈。日西入军门，羸马颠且僵。主人愿少留，延入陈壶觞。时李元为河阳节度，主人谓元也。卑贱不敢辞，忽忽心如狂。饮食岂知味。丝竹徒轰轰。平明脱身去，决若惊凫翔。黄昏次汜水，欲过无舟航。号呼久乃至，夜济十里黄。外黄县有黄沟。中流上滩一作沙渚，沙水不可详。惊波暗合沓，星宿争翻芒。辕马蹢躅鸣，左右泣仆童。甲午憩时门，临泉窥斗龙。东南出陈许，陂泽平一作何茫茫。道边草木花，红紫相低昂。百里不逢人，角角雄雉鸣。行行二月暮，乃及徐南疆。下马步堤岸，上船拜吾兄。愈有三兄，皆早世。见于集中者，云卿之子俞，绅卿之子发，皆愈从兄。或曰吾兄谓张籍，非也。谁云经艰难，百口无夭殇。仆射南阳公张建封，宅我睢水阳。二月，愈至徐，徐泗濠节度使张建封以愈为节度推官。篋中有馀衣，盎中有馀粮。闭门读书史，窗户忽已凉。日念子来游，予岂知我情。别离未为久，辛苦多所经。对食每不饱，共言无倦听。连延三十日，晨坐达五更。我友二三子，宦游在西京。东野窥禹穴，李翱观涛江。萧条千万里，会合安可逢。淮之水舒舒，楚山直丛丛。子又舍我去，我怀焉所穷。男儿不再壮，百岁如风狂。高爵尚可求，无为守一乡。

☆幽怀 幽怀不能写，行此春江浔。适与佳节会，士女竞光阴。凝妆耀洲渚，繁吹荡人心。间关林中鸟，亦知和为音。岂无一尊酒，自酌还自吟。但悲时易失，四序迭相侵。我歌君子行，视古犹视今。

☆君子法天运 君子法天运，四时可前知。小人惟所遇，寒暑不可期。利害有常势，取舍无定姿。焉能使我心，皎皎远忧疑。

☆落叶送陈羽 落叶不更息，断蓬无复归。飘飏终自异，邂逅暂相依。悄悄深夜语，悠悠寒月辉。谁云少年别，流泪各沾衣。

☆归彭城 贞元十五年冬，愈为徐州从事，朝正京师。此曰归彭城，盖明年自京师归徐也。天下兵又动，贞元十五年秋，起诸道兵讨吴少诚。太平竟何时。讎谟者谁子，无乃失所宜。前年关中旱，闾井多死饥。贞元十四年冬，京师饥。去岁东郡水，贞元十五年秋，郑滑大水。生民为流尸。上天不虚应，祸福各自随。我欲进短策，无由至彤墀。刳肝以为纸，沥血以书辞。上言陈尧舜，下言引龙夔。言词多感激，文字少葳蕤。一读已自怪，再寻良自疑。食芹虽云美，献御固已痴。缄封在骨髓，

耿耿空自奇。昨者到京城，屡陪高车驰。周行多俊异，议论无瑕疵。见待颇异礼，未能去毛皮。到口不敢吐，徐徐俟其赍。归来戎马间，惊顾似羁雌。连日或不语，终朝见相欺。乘闲辄骑马，茫茫指空陂。遇酒即酩酊，君知我为谁。

☆醉后 煌煌东方星，奈此众客醉。初喧或忿争，中静杂嘲戏。淋漓身上衣，颠倒笔下字。人生如此少，酒贱且勤置。

☆醉赠张秘书 人皆劝我酒，我若耳不闻。今日到君家，呼酒持劝君。为此座上客，及余各能文。君诗多态度，蔼蔼春空云。东野动惊俗，天葩吐奇芬。张籍学古淡，轩鹤避鸡群。阿买不识字，颇知书八分。诗成使之写，亦足张吾军。所以欲得酒，为文俟其醺。酒味既冷冽，酒气又氛氲。性情渐浩浩，谐笑方云云。此诚得酒意，馀外徒缤纷。长安众富儿，盘饌罗膾荤。不解文字饮，惟能醉红裙。虽得一饷乐，有如聚飞蚊。今我及数子，固无莠与薰。险语破鬼胆，高词媲皇坟。至宝不雕琢，神功谢锄耘。方今向太平，元凯承华勋。吾徒幸无事，庶以穷朝曛。

☆同冠峡 贞元十九年贬阳山后作 南方二月半，春物亦已少。维舟山水间，晨坐听百鸟。宿云尚含姿，朝日忽升晓。羁旅感和鸣，囚拘念轻矫。潺湲泪久进，诘曲思增绕。行矣且无然，盖棺事乃了。

☆送惠师 愈在连州，与释景常元惠游，惠师即元惠也。惠师浮屠者，乃是不羁人。十五爱山水，超然谢朋亲。脱冠剪头发，飞步遗踪尘。发迹入四明，梯空上秋旻。遂登天台望，众壑皆嶙峋。夜宿最高顶，举头看星辰。光芒相照烛，南北争罗陈。兹地绝翔走，自然严且神。微风吹木石，澎湃闻韶钧。夜半起下视，溟波衔日轮。鱼龙惊踊跃，叫啸成悲辛。怪气或紫赤，敲磨共轮囷。金鸦既腾翥，六合俄清新。常闻禹穴奇，东去窥瓊阍。越俗不好古，流传失其真。幽踪邈难得，圣路奔禹南。巡之路嗟长堙。回临浙江涛，屹起高峨岷。壮志死不息，千年如隔晨。是非竟何有，弃去非吾伦。凌江诣庐狱，浩荡极游巡。崔嵬没云表，陂陀浸湖沦。是时雨初霁，悬瀑垂天绅。前年往罗浮，步屐南海滨。大哉阳德盛，荣茂恒留春。鹏翮堕长翮，鲸戏侧修鳞。自来连州寺，曾未造城闉。日携青云客，探胜穷崖滨。太守邀不去，群官请徒频。囊无一金资，翻谓富者贫。昨日忽不见，我令访其邻。奔波自追及，把手问所因。顾

我却兴叹，君宁异于民。离合自古然，辞别字足珍。吾闻九疑好，夙志今欲伸。斑竹啼舜妇，潇湘沈楚臣。衡山与洞庭，此固道所循。寻崧方抵洛，历华遂之秦。浮游靡定处，偶往即通津。吾言子当去，子道非吾遵。江鱼不池活，野鸟难笼驯。吾非西方教，怜子狂且醇。吾嫉情游者，怜子愚且淳。去矣各异趣，何为浪沾巾。

☆送灵师 佛法入中国，尔来六百年。齐民逃赋役，高士著幽禅。官吏不之制，纷纷听其然。耕桑日失隶，朝署时遗贤。灵师皇甫姓，胤胄本蝉联。少小涉书史，早能缀文篇。中间不得意，失迹成延迁。逸志不拘教，轩腾断牵率。围棋斗白黑，生死随机权。六博在一掷，泉卢叱回旋。战诗谁与敌，浩汗横戈铤音延。饮酒尽百盏，嘲谐思逾鲜。有时醉花月，高唱清且绵。四座咸寂默，杳如奏湘弦。寻胜不惮险，黔江屡洄沿。瞿塘五六月，惊电让归船。怒水忽中裂，千寻堕幽泉。环回势益急，仰见团团天。投身岂得计，性命甘徒捐。浪沫蹙翻涌，漂浮再生全。同行二十人，魂骨俱坑填。灵师不挂怀，冒涉道转延。开忠二州牧，诗赋时多传。失职不把笔，珠玑为君编。强留费日月，密席罗婣娟。昨者至林邑，使君数开筵。逐客三四公，盈怀赠兰荃。湖游泛滢沆，溪宴驻潺湲。别语不许出，行裾动遭牵。邻州竞招请，书札何翩翩。十月下桂岭，乘寒恣窥缘。落落王员外，王员外，仲舒也。墓志云：所为文章，无世俗气。争迎获其先。自从入宾馆，占吝久能专。吾徒颇携被，接宿穷欢妍。听说两京事，分明皆眼前。纵横杂谣俗，琐屑咸罗穿。材调真可惜，朱丹在磨研。方将敛之道，且欲冠其颠。韶阳李太守，高步凌云烟。得客辄忘食，开囊乞缗钱。手持南曹劄，唐制，吏部员外郎一人，掌判南曹，谓王员外仲舒也，时亦谪连州司户。字重青瑤鏤。古气参象系，高标摧太玄。维舟事干谒，披读头风痊。还如旧相识，倾壶畅幽悁。以此复留滞，归骖几时鞭。

☆县斋有怀 阳山县斋作。时贞元二十一年，顺宗新即位少小尚奇伟，平生足悲吒。犹嫌子夏儒，肯学樊迟稼。事业窥皋稷，文章蔑曹谢。濯纓起江湖，缀佩杂兰麝。悠悠指长道，去去策高驾。谁为倾国谋，自许连城价。初随计吏贡，屡入泽宫射。虽免十上劳，何能一战霸。人情忌殊异，世路多权诈。蹉跎颜遂低，摧折气愈下。治长信非罪，侯生或遭骂。怀书出皇都，衔泪渡清灞。身将老寂寞，志欲死闲暇。朝食不盈肠，冬衣才掩骼枯驾切。军书既频召，戎马乃连跨。大梁从相公，彭城赴仆射。弓箭围狐兔，丝竹罗酒觞。两府变荒凉，三年就休假。求官去东洛，去或作来。或作去官来东洛。

此谓贞元十五十六年冬，如京调官也。犯雪过西华。尘埃紫陌春，风雨灵台夜。名声荷朋友，援引乏姻娅。虽陪彤庭臣，诤纵青冥靶。寒空耸危关，晓色曜修架。捐躯辰在丁，贞元十九年十二月，愈上天旱人饥疏，被贬。辰在丁，上疏之日也。铄翻时方惜。投荒诚职分，领邑幸宽赦。湖波翻日车，岭石坼天罅。毒雾恒熏昼，炎风每烧夏。雷威固已加，颶势仍相借。气象杳难测，声音吁可怕。夷言听未惯，越俗循犹乍。指摘两憎嫌，睚眦互猜訝。只缘恩未报，岂谓生足藉。嗣皇新继明，率土日流化。惟恩涤瑕垢，长去事桑柘。断嵩开云岫，压颖抗风榭。禾麦种满地，梨枣栽绕舍。儿童稍长成，雀鼠得驱吓。官租日输纳，村酒时邀迓。闲爱老农愚，归弄小女姪。如今便可尔，何用毕婚嫁。

☆合江亭 诸本作题合江亭寄刺史邹君。亭在衡州负郭，今之石鼓头，即其地也。地形特异，自然崛起于二水之间，旁有朱陵洞，唐人题刻散满岩上。愈自阳山量移江陵，道衡山作。红亭枕湘江，蒸水会其左。瞰临眇空阔，绿净不可唾。维昔经营初，邦君实王佐。此亭，故相齐公映所作。翦林迁神祠，买地费家货。梁栋宏可爱，结构丽匪过。伊人去轩腾，兹宇遂颓挫。老郎来何暮，高唱久乃和。宇文郎中炫又增其制。树兰盈九畹，栽竹逾万个。长绶汲沧浪，幽蹊下坎坷。波涛夜俯听，云树朝对卧。初如造遗情，终乃最郡课。人生诚无几，事往悲岂奈一作那。萧条绵岁时，契阔继庸懦。胜事谁复论，丑声日已播。中丞黜凶邪，天子闵穷饿。君侯至之初，闾里自相贺。前刺史元澄无政，廉使杨公中丞奏黜之，朝廷遂用邹君。淹滞乐闲旷，勤苦劝慵惰。为余扫尘阶，命乐醉众座。穷秋感平分，新月怜半破。愿书岩上石，勿使泥尘涴。

☆陪杜侍御游湘西两寺独宿有题一首，因献杨常侍 愈自阳山北还，过潭作。杨常侍，凭也，时观察湖南。长沙千里平，胜地犹在险。况当江阔处，斗起势匪渐。深林高玲珑，青山上琬琰。路穷台殿辟，佛事焕且俨。剖竹走泉源，开廊架崖广音俨，因岩为屋。是时秋之残，暑气尚未敛。群行忘后先，朋息弃拘检。客堂喜空凉，华榻有清簟。涧蔬煮蒿芹，水果剥菱芡音俭。伊余夙所慕，陪赏亦云忝。幸逢车马归，独宿门不掩。山楼黑无月，渔火灿星点。夜风一何喧，杉桧屡磨砢。犹疑在波涛，怵惕梦成魇。静思屈原沈，远忆贾谊贬。椒兰争妒忌，絳灌共谗谄。谁令悲生肠，坐使泪盈脸。翻飞乏羽翼，指摘困瑕玷。珥音耳貂藩维重，政化类分陕。礼贤道何优，奉已事苦俭。大厦栋方隆，巨川楫行剡。经营诚少暇，游宴固已歉。旅程愧淹留，徂岁

嗟往苒。平生每多感，柔翰遇频染。殿转岭猿鸣，曙灯青耿耿。

☆兵阳楼别窦司直 窦庠时以武昌幕权岳州。愈移江陵法曹，道出岳阳楼作 洞庭九州间，厥大谁与让。南汇群崖水，北注何奔放。潏为七百里，吞纳各殊状。自古澄不清，环混无归向。炎风日搜搅，幽怪多冗长。去声。轩然大波起，宇宙隘而妨。巍峨拔嵩华，腾踔较健壮。声音一何宏，轰轰轳车万两。犹疑帝轩辕，张乐就空旷。蛟螭露笋虬，缟练吹组帐。鬼神非人世，节奏颠踣踉。阳施见夸丽，阴闭感凄怆。朝过宜春口，极北缺堤障。夜缆巴陵洲，丛芮才可傍。星河尽涵泳，俯仰迷下上。馀澜怒不已，喧聒鸣瓮盎。明登岳阳楼，辉焕朝日亮。飞廉戢其威，清晏息纤纆。泓澄湛凝绿，物景巧相况。江豚时出戏，惊波忽荡漾。时当冬之孟，隙窍缩寒瘴。前临指近岸，侧坐眇难望。淅濯神魄醒，幽怀舒以畅。主人孩童旧，握手乍忻怅。怜我窜逐归，相见得无恙。开筵交履舄，烂漫倒家酿。杯行无留停，高柱送清唱。中盘进橙栗，投掷倾脯酱。欢穷悲心生，婉娈不能忘。念昔始读书，志欲干霸王。屠龙破千金，为艺亦云亢。爱才不择行，触事得谗谤。前年出官由一作日，此祸最无妄。公卿采虚名，擢拜识天仗。奸猜畏弹射，斥逐恣欺讪。新恩移府庭，遥侧厕诸将。于嗟苦弩缓，但惧失宜当。追思南渡时，鱼腹甘所葬。严程迫风帆，劈箭入高浪。颠沈在须臾，忠鲠难复谅。生还真可喜，尅己自惩创。庶从今日起，粗识得与丧。事多改前好，趣有获新尚。誓耕十亩田，不取万乘相。细君知蚕织，稚子已能饷。行当挂其冠，生死君一访。

☆送文畅师北游 昔在四门馆，晨有僧来谒。自言本吴人，少小学城阙。已穷佛根源，粗识事辄辄。挛拘屈吾真，戒辖思远发。荐绅秉笔徒，声誉耀前阙。从求送行诗，屡造忍颇蹶。今成十馀卷，浩汗罗斧钺。先生幽穷巷，未得窥剗剗。又闻识大道，何路补剗剗。出其囊中文，满听实清越。谓僧当少安，草序颇排讧。上论古之初，所以施赏罚。下开迷惑胸，孳音考豁隳珠璣音厥。僧时不听莹，若饮水救渴。风尘一出门，时日多如发。三年窜荒岭，守县坐深樾。征租聚异物，诡制怛巾帟。幽穷谁共一作共谁语，思想甚含咄于月切。昨来得京官，照壁喜见蝎。况逢旧亲识，无不比鸛鷖。长安多门户，吊庆少休歇。而能勤来过，重惠安可揭。当今圣政初，恩泽完瓌许出切玃许月切。胡为不自暇，飘戾逐鸛鷖。仆射领北门，威德压胡羯。谓刘季安为魏博节度使。相公镇幽都，竹帛烂勋伐。谓刘济为幽

州节度使。酒场舞国姝，猎骑围边月。开张篋中宝，自可得津筏。从兹富裘马，宁复茹藜藿。余期报恩后，谢病老耕堡音伐。庇身指蓬茅，逞志纵猥獷。僧还相访来，山药煮可掘。

☆答张彻 愈为四门博士时作。张彻，愈门下士，又愈之从子婿。 辱赠不知报，我歌尔其聆。首叙始识面，次言后分形。道途绵万里，日月垂十龄。浚郊避兵乱一作难，睢岸连门停。诸本作庭。阁本作停。停犹居也。肝胆一古剑，波涛两浮萍。渍墨窜旧史，磨丹注前经。义苑手秘宝，文堂耳惊霆。喧晨躐露鸟，暑夕眠风檠。结友子让抗，《晋阳秋》：陆抗、羊祜推侨札之好。请师我斯丁，《左氏》：尹公学射于庚公差，差学于公孙丁。初味犹噉蔗，遂通斯建瓴。搜奇日有富，嗜善心无宁。石梁平砥砢音挺，沙水光泠泠。乘枯摘野艳，沈细抽潜腥。游寺去陟岵，寻径返一作反穿汀。缘云竹竦竦，失路麻冥冥。淫潦忽翻野，平芜眇开溟。防泄蜃夜塞，惧冲城昼扃。及去事戎警，相逢宴军伶。觥秋纵兀兀，猎旦驰骍骍。从赋始分手，朝京忽同聆。愈以徐州从事朝正京师，与彻同行。急时促暗棹，恋月留虚亭。毕事驱传马，安居守窗萤。梅花灞水别，官一作官烛驪山醒。省选速投足，乡宾尚摧翎。尘祛又一掺所灭切，泪督音清还双荧。洛邑得休告，华山穷绝陉。倚岩睨海浪，引袖拂天星。日驾此回轳，金神所司刑。泉绅拖修白，石剑攒横青。磴磴达肖也拳跼，梯飈颺伶俜。悔狂已咋指，垂诫仍镌铭。沈颜遗李肇书，谓退之托此以悲世人登高而不知止，且示戒焉。峨豸忝备列，伏蒲愧分泾。微诚慕横草，琐力摧撞筵。叠雪走商岭，飞波航洞庭。下险疑堕井，守官类拘圜。荒餐茹獠蛊，幽梦感湘灵。刺史肃著蔡，吏人沸蝗螟。点缀簿上字，趋跄阁前铃。赖其饱山水，得以娱瞻听。紫树雕斐亶，碧流滴珑玲。映波铺远锦，插地列长屏。愁狄酸骨死，怪花醉魂馨。潜苞绛实坼，幽乳翠毛零。赦行五百里，月变三十蓂。渐阶群振鹭，入学海螟蛉。苹甘谢鸣鹿，壘满惭罄瓶。罔间抱胡珪，飞文联鸛鷖。鱼鬣欲脱背，虬光先照硎。岂独出丑类，方当动朝廷。勤来得晤语，勿惮宿寒厅。

☆荐士 荐孟郊于郑余庆也 周诗三百篇，雅丽理一作埋训诂。曾经圣人手，议论安敢到。五言出汉时，苏李首更号。东都渐弥漫，派别百川导。建安能者七，卓犖变风操。逶迤抵晋宋，气象日凋耗。中间数鲍谢，比近最清奥，齐梁及陈隋，众作等蝉噪。搜春摘花卉，沿袭伤剽盗。国朝盛文章，子昂始高蹈。勃兴得李杜，万类困陵暴。后来相继生，亦各臻闾奥，有穷者孟郊，受